

graŭ ~oj de siaj amikoj ; mi deklaras por ~o de ĉiuj malkompreniĝoj, ke... Z ; ni forgesas ~on, ni memoras la sperton Z (Kp ADMONI). 3 Malkonsili iun de io ; konsili iun, ke li ne faru ; deadmoni iun de io Z ; dekonduki iun de io : li ~is min, ke mi ne faru la projektitan vojaĝon ; ~u ŝin, ke ŝi ne kantu ; tie ĉi la komoj ~as la leganton ne rigardi la interkomajn vortojn kiel la objekton de la verbo ; la eldonado de literatura revuo estas dezirinda, sed mi ~as ne ekeldoni ĝin facilanime (ke li ne rigardu... ; ke oni ne ekeldonu...) : min ~is la zorgo, ke min trompo de rabisto ne fordonu al la sklaveco Z ; ne malnobla estas la zorgo, kiu penas min ~i, ke mi ne trompu mian region Z (Kp ADMONI). RIM. En tiu senco estas nepre necese aŭ meti ne antaŭ la infinitivo, por ke oni ne donu averti la 1-an sencion, aŭ uzi negativan dependan propozicion ke... ne... ~u.

aviado. Arto aerveturadi per aparatoj pli pezaj ol la aero. ~1 (ntr). Aerveturi per tiaj aparatoj. ~ilo. Flugmaŝino, aeroplano. ~isto. Aerveturisto per ~iloj. Kp AERNAVIGADO, AERŜIPO.

* **Avida.** Fortege deziranta ion : ~a je gloro, at laŭdoj, pri riĉaĵoj ; donu ĵingron al ~ulo, li tulan manon postulas Z ; sang~a Z ; nobla ~eco Z ; mon~a. ~1

(tr). Esti ~a je : ~i ripozon post longa penado ; kiu ~as pli bonan, perdas plej bezonan Z. Kp AVARA, DEZIRI, SOIFI, AMBICII. Vd VENTRO, LEPORO, MARCI-PANO, SVINGI, KAPTI.

aviso Ĵ. Militŝipo rapida, nearmita, uzata por transporti leterojn, telegramojn ke.

* **Avizo.** Sciigo, anonco, informo : presigi ~on en gazetoj ; sciigi aferon per speciala ~o ; gasto sen ~o estas agrabla surprizo Z. ~1 (tr). Sciigi pri io.

azaleo 🌸. G. de erikacoj kun grandaj multnombraj belkoloraj floroj (azalea).

azaro 🌸. G. de aristolokiacoj (asarum).

* **Azeno.** 1 Kvarpieda longorela ŝarĝbesto (asinus). 2 (f) Malkleraĉa homo : forveturis ~ido k revenis ~o Z.

Azilo. Rifugejo, kie oni trovas sekurecon k flegadon : ~o por malriĉuloj, kadukuloj, frenezuloj.

* **Azoto** N. Simpla, senkolora, senodora, sengusta gaso, el kiu konsistas kvar kvinonoj de la aero k plej granda parto el la organikaj substancoj k teksaĵoj ; ĝi ne brulas k ebligas nek bruladon nek spiradon. ~a acido. Tre morda fluaĵo uzata en industrio k gravurado (Kp AKVAFORTO).

B

ba Z. Interj. esprimanta surprizon.

babao. Kuko kun sekaj vinberoj, surverŝita per rumo.

* **Babil** (x). 1 Intime, familiare interparoli : la senzorge tra~itaj (pasigitaj ~ante) horoj en la drinkaĵo. 2 Tro multe paroli k pri negravaj aferoj ; ~aĉi : li ~as anstataŭ labori ; kiu multe ~as, pensas malmulte Z ; ~adi teoriant sen-sencaĵon Z ; ne timu tranĉilon, timu ~on Z. (Vd LANGO). Kp PEPI, KLAĈI, MUELI.

babluso 🐷. Speco de hinda porko (sus babyrussa).

babordo Z. Maldekstra flanko de ŝipo rigardante al la pruo : la ~o estas signita per ruĝa fajro. Kp TRIBORDO.

babuŝo. Speco de pantoflo sen postaĵo nek kalkanumo.

Bacilo. Speco de mikrobo kun formo de bastoneto. Kp BAKTERIO.

* **Bagatelo.** 1 Afero negrava, malserioza : li malŝparas la tempon per ~oj. Kp VANTA, SENSIGNIFA. Vd PINGLO. 2 Objekto negrava, malmultekosta. Kp SENVALORA. ~ema. Inklina okupiĝi per negravaj aferoj. Kp FRIVOLA, PEDANTA.

baĵadero. Hinda dancistino.

* **Bajoneto.** Pika k kelkfoje tranĉa mallonga batalilo, kiu adaptiĝas al la tubo de pafilo.